


漢書門  
類號函架冊  
二二八〇  
二二八〇  
二二八〇  
二二八〇

內閣文庫  
漢書  
二二八〇  
二九〇函  
冊架

內閣文庫  
番號 漢 2280  
冊數 2 ( 1 )  
函號 290 40

290-40



清閩海鄭居仲著

浪華木氏按  
勘于蕙蔭堂

# 國姓爺鄭成功

## 功傳

稱龍堂

揚芳堂

同梓

淺草文庫

刻鄭成功傳叙



余少時嘗讀院本鉅鄭成功之莽戾而欲

詳異為人也久矣後雖得明紀編年奏對

錄等簡而未詳焉今茲辛卯冬遊於浪速

一日木匠肅來訪於寓居白嚮獲閱鄭居

仲所著鄭成功傳是遂志錄所附也與錄



未得而但得斯傳而已迺校以授奇厠氏  
剋已成矣請為之叙余受而讀出乃得詩  
具始末文悉脈而存焉意氣感慨俶儻大  
志之立哉於是愈益欽吳莽屢乃掩卷而  
歎曰嗚乎成功生吾海角遇乎明季傾蕩  
獨欲回瀆屈疆閩澳率二十餘萬兵直衝


金陵當是時也關河響動喋血中原吳忠  
肝義氣騰于宵壤間矣雖然明運已盡一  
舉不克復保臺灣躬殲軍務之勞矣可惜  
哉吳子鄭經能繼父志父子三逝三十九  
年閒獨能奉明正朔稱号永曆抗衡清師  
清主屢勤宵旰軍旅數出而能竭吳膂力

東坡志林卷之十一  
一  
而遂不屈臣節而止矣故余悲思業不成  
多與志確乎不撓余竊以諸楠公父子亦  
蓋成不者天也豈以成敗可議乎哉居仲  
氏附傳于遂志錄者與微意亦可知也清  
主歸葬南安如田橫故事大惟尚與志也  
班肅氏亦志也與原本藏諸書齋以鄙

梓出公於海內是邦之華也後出志也亦  
有以感于此哉

皇東明和辛卯冬至日金龍道人敬雄題

浪華僑居



白麓藏書鄭成功傳卷上



清 閩海鄭亦鄒居仲 著

日本浪華木孔恭世肅 校

鄭成功南安縣石井巡司人也初名森字大木  
 父芝龍字飛黃小名一官其大父紹祖為泉州  
 大守葉善繼吏時芝龍方十歲嘗戲投石子誤  
 中大守額大守禽治之見其容止笑而釋焉居  
 無何落魄去之日本娶倭婦生成功是夜倭島  
 萬火齊明芝龍心異之數歲芝龍與仲弟芝虎

鄭成功傳

葦葭堂

亡之顏思齊黨中為盜思齊海徽人居臺灣一  
 時群盜陳衷紀楊六楊七劉香等皆出其門衷  
 紀亦激人最桀驁芝龍委身事焉臺有屋八自  
 芝龍等始思齊死眾無所立迺奉盤銀割牲而  
 盟以劔插米各當劔拜拜而劔躍動者天所授  
 也次至芝龍再拜果躍出地眾乃俱伏推為魁  
 或傳芝龍與陳衷紀陳勳等十人各乘一舟亡  
 之臺灣為盜風引桅帶攪而為一各駭然曰此  
 殆天以我十人不相統攝欲立一中軍耶乃共  
 申約鼓三通而開者立之至芝龍而開其言芝  
 龍所以起家者或異然要陸梁海上官軍莫能  
 之生而盜賊亦有天焉

依然大權仍歸衷紀芝龍猶陽奉焉朝議招撫  
 以葉善繼習芝龍為書招之芝龍感激歸命及  
 降善繼坐戟門令芝龍兄弟泥首芝龍素德善  
 繼屈意下之而一軍皆譁竟叛去復踞海島劫  
 截商民往來閩廣之間天啓六年泊于漳浦之  
 白鎮巡撫朱一憑遣都司洪先春擊之鏖戰自  
 晨及昃未有所敗會海潮夜生先春漂泊失道  
 芝龍陰度前山繞先春後先春腹背受敵身被  
 數刃芝龍故有求撫意微達於官軍迺使先春

倭

又自白鎮趣中左所督師命咨臯與戰敗又佚  
 之中左人開城納之泉守王猷遣人招諭崇禎  
 元年九月芝龍殺衷紀于島上忌劉香發其父  
 冢刃挫而冀賭之率所部降于督師熊文燦三  
 年以平廣盜征生黎焚荷蘭時豫章鄒維璉撫  
 芝龍為將芝龍募龍溪人郭任功率十餘人夜  
 浮荷蘭船尾潛入焚之獲荷蘭五十餘人餘船  
 悉收劉香功遷都督于是成功在倭已七歲矣  
 芝龍屢請之不能得迺遣人齎金幣往圖畫芝  
 龍為大帥兼鉞橫絕海表軍容烜赫之狀亦

頗憚受賂而歸之成功風儀整肅倣儻有大志  
 每東向而望其母常為季父芝豹所窘叔父鴻  
 達獨偉視焉讀書穎敏不治章句先輩王觀光  
 一見謂其父曰是兒英物非而所及也十五補  
 弟子員試高等食餼二十人中金陵有術士視  
 之驚曰此奇男子骨相非凡命世雄才非科甲  
 者蓋知明曆之餘分東南之猶亂也世祖之元  
 年順治福王立江左改元弘光封芝龍南安伯鴻  
 達靖鹵伯其明年鴻達與黃道周迎唐王即位

鄭成功傳

七

福州改元隆武晉芝龍平鹵侯鴻達定鹵侯俱  
 加大師芝豹澄濟伯芝虎最驍健以逐劉香歿  
 于海以故不封芝虎勇悍取深入聲如乳虎與  
 劉香遇南灣隱于帆末風轉及  
香船大呼飛下擊殺幾盡香芝龍幼習海群盜  
 抱銅砲赴海死芝虎亦歿  
 皆故盟或門下就撫後海船不得鄭氏令旗不  
 能來迨每船例入三千金歲入千萬計以此富  
 敵國自築城于安平鎮艚直通臥內所部兵  
 自給餉不取於官錢鑿剽銳徒卒競勸凡賊遁  
 入海者檄付芝龍取之如寄以故鄭氏貴振于

七閩既而成功陞見隆武奇之撫其背曰惜無  
 一女配卿卿當盡忠吾家無相忘也賜姓朱改  
 名成功封御營中軍都督賜尚方劍儀同駙馬  
 自是中外稱國姓云是年日本送歸其母芝龍  
 以擁立非本意日與文臣忤又度章皇帝神武  
 必不能偏安一隅密有歸欵意時招撫江南者  
 內院洪承疇招撫福建者御史黃熙胤皆晉江  
 人與芝龍同里通聲問一日成功見隆武愁坐  
 悲來填雁跪奏曰陛下鬱鬱不樂得無以臣父



有異志耶臣受國厚恩義無反顧臣以死扞陞  
下矣及兩浙敗關門不戒芝龍亦以不出關無  
以厭人望乃分兵為二聲言萬人實不滿千以  
鴻逵為元帥出浙東永勝伯鄭彩副元帥出江  
右隆武放淮陰故事築壇郊送之既出關疏稱  
餉缺駐不發詔書切責不得已踰關行四五里  
而還三年六月封成功忠孝伯八月隆武親征  
駐建寧欲往江右就贛督楊廷麟萬元吉楚督  
何騰蛟等猶預未決芝龍疏請航海拜疏即行

武毅伯施福撤關兵歸隆武駕陷汀州成功南  
潰方官軍之未至泉也芝豹閉城門大索薦紳  
富民餉不應立梟之紡親家母于庭抵暮得數  
萬金俄而貝勒王及固山兵至迺潰成功母不  
去死之成功大號慟不自勝芝龍退保安平軍  
容甚盛旌旗搖海以洪黃之信未通猶與未敢  
迎師又自以先撤關兵無一矢加忠遺于我朝為  
屬部下若招以自效閩粵總制可得猶南面王  
也貝勒王令泉紳郭必昌與芝龍厚善者招之

芝龍曰我非不忠于清恐以立主為罪耳會固山兵逼安平芝龍怒曰既招我何相逼也貝勒王乃退固山離安平三十里而軍以書招之曰吾所以重將軍者以將軍能立唐藩也人臣事主苟有可為必竭其力力不勝天則投明而事乘時建不世之功此士之一時也若將軍不輔立吾何用將軍哉且兩粵未平今鑄閩粵提督印以相待吾所冀將軍來者欲商地方人才故也芝龍得書大喜則召成功計事成功泣諫曰

父教子忠不聞以貳且北朝何信之有芝龍曰喪亂之天一彼一此誰能常之若幼惡識人事遂進降表過泉州大張文告艷投誠之勲猶持貝勒王書招搖市官者就議價至福州見貝勒王握手甚歡折箭為誓命酒飲三日夜貝勒王知成功黠俟以俱行既而不至芝龍嘆曰成功去清朝其道救乎使君憂者必此子也夜半忽拔砮挾芝龍以北成功雖遇主列爵實未嘗一日與兵枋意氣狀貌猶儒書也既力諫不從又

痛母死非命迺悲歌慷慨謀起師攜所著儒巾  
襪衫赴文廟焚之四拜先師仰天曰昔為孺子  
今為孤臣向背去留各有作用謹謝儒服唯先  
師昭鑒之高揖而去鴈旗紜族聲浹俱并與所  
善陳輝張進施琅施顯陳霸洪旭等願從者九  
十餘人乘二巨艦斷纜行收兵南灣得數千人  
文移備忠孝伯招討大將軍罪臣國姓其明年  
遙聞永明王即位肇慶改元永曆成功則奉朔  
提師歸自南灣舊衆稍集年二十四時廈門浯

洲為鄭彩及弟定遠侯鄭聯所踞乃泊鼓浪嶼  
與廈門隔帶水廈門者中左所也所謂浯州者  
金門也隸同安為兩島七月會永勝兄弟入寇  
海澂不克而還八月與鴻逵合攻泉州敗提督  
趙國佐數百騎于桃花山追至城下國佐授甲  
登陴其明月我副將王進自漳赴援圍解成功  
回島鴻逵艤舟泉港自冬徂春郡邑戒嚴五年  
永曆在桂林三月成功寇同安同之九都民好  
鬪偕守將拒於店頭山成功斬數騎兵民奔潰

至同安守將王彪折光秋知縣張効齡棄城遁  
 成功入踞之以葉翼雲為同安復寇泉州七月  
 我佟國器陳錦李率泰三帥援至鴻逵入潮成  
 功入島以丘縉林壯猷守同安官軍日夜攻破  
 之殺縉壯猷翼雲及教諭陳鼎鼎永華之父屠  
 其城六年永曆在肇慶成功募兵于銅山三月  
 以施琅楊才黃廷柯宸樞康明張英等寇漳浦  
 守將王起鳳降授鍊騎鎮尋改正兵鎮教以學  
 射教以騎馬割馬耳者同首功殺馬如屠自起

鳳始尋下雲霄抵詔安屯分水關令黃廷守盤  
 陀嶺官軍攻盤陀宸樞死之七月永曆遣使至  
 島封成功為延平公七年潮人黃海如陳斌道  
 成功入潮是年全粵俱奉永曆守潮者永曆鎮  
 帥新泰侯郝尚久也成仁錄曰尚久本李成棟  
潮州順治七年投誠仍守潮州十年平南王尚  
可喜以劉伯祿代之尚久拒命復歸永曆求助  
于成功成功兵至又拒不納靖南王耿  
繼茂與哈哈木攻下之尚久投井死自鴻逵  
 踞潮之揭陽鄭郝兩家雖同奉朔各相疑忌既  
 而尚久投誠成功入南洋勦賊許隆楊廣遂渡

達濠勦賊張禮鴻達邀入揭陽勦賊陳敬李峰

攘當作壤

殺我潮鎮騎兵數百至碣石衛為賊蘇利所敗

成仁錄日蘇利海豐人永曆中授將軍踞碣石衛縱橫粵東順治七年我朝以左都督瑄之利

不難髮外受羈縻以攘接成功懼為所并借我

殺我防將連下濱海數六年寇潮州城守不可

縣康熙二年討平之下遣甘輝殺賊黃亮采於峽山敗粵東邵提督

于潮陽時兩島為彩聯所踞其將章雲飛恣肆

不道成功密與諸部計曰兩島吾家臥榻之側

豈容人鼾睡迺嚴部勒自揭陽揚帆中秋抵厦

門聯方醉萬石巖巖踞城東數里鑿石成洞奇

醜可愛聯所結構也報至不得通詰朝酒醒出

見成功交拜極歡成功笑曰兄能以一軍見假

乎聯未對諸執銳者前矣唯唯命於是麾軍

過聯船諸皆驚伏莫敢動成功已并聯軍威陵

日瞻海上軍皆屬焉可四萬餘人未幾邀聯遊

萬石踰隱以刺之微其屍陽為遁去成功之將

至也聲名藉盛彩議全軍出避聯不從復不設

備故及彩率所部之南中漁獵數載不歸成功

復之卒于家十一月永曆在南寧十二月王師  
 狗廣州永曆鎮帥江寧伯杜永和奔瓊州成功  
 謀往接之八年正月率眾而南二月舟次平海  
 衛鴻逵棄揭陽回島閩撫張學聖按泉調君侯  
 馬得功取廈門鴻逵未至鄭芝莞無守備得功  
 先遣數十騎渡五通登岸兵民望見皆潰遂入  
 島隆武閣部峽江曾櫻死之

尚書工部郎時瑞禍方熾雅不為下崇禎時歷  
 官工部侍郎隆武即位以東閣太學士召入閩  
 與芝莞不合既從成功飛沉海上官軍入島家  
 人請遁櫻曰吾今日猶得正命清波也是月晦

櫻字二雲峽江人  
 萬曆丙辰進士授

夜自經死門人陳泰為經紀其喪嗟夫甲申之  
 後事之傳疑者多矣若櫻之亡命海表引義抗  
 既毫無陰翳可謂昭挈日月者也或謂櫻思文  
 上相無所違白然其時丁陽九遭值南安則未  
 可一概論耳詩曰雖無老成人不數日鴻逵至  
 尚有典刑櫻死鄭氏典刑替矣

攻圍得功得功欲退不得渡謂鴻逵曰公等眷  
 皆在安平脫得功不出恐不利公家鴻逵患之  
 且不虞成功之迨至也逸之四月成功至自平  
 海得功去兩日矣成功大悔恨按失律罪殺芝  
 莞芝莞成功從叔也諸將懷慄兵勢復振凡六  
 萬餘人鴻逵泊白沙築寨以居左先鋒施琅得

罪逃歸本朝琅之事成功也年最少風宇魁梧  
號知兵自樓櫓旗幟伍陣相離之灋皆琅啓之  
然頗恃才而倨有標兵得罪逃於成功琅禽治  
之馳令勿殺琅已斬之成功怒捕琅逮其家殺  
琅父及弟顯顯時為援勦左鎮琅夜佚顧四塞  
環海無敢問渡匿荒谷中餓且死適佃兵鋤園  
老矣望見五花豹隱卧大驚佈頃之僦然施琅  
也琅亦驚定且告之故佃兵聞其才也慰撫之  
為簞食與魚為取餉然已憊甚肌革慘慄成功

購琅急曰此子不來必貽吾患令國中舍匿者  
族食畢迺謀之所部蘇次將茂夜同叩次將門  
佃兵而後乃去茂則大驚失色曰大哥安得在  
此既已無可奈何留二日迹至蘇家迺伏琅卧  
內令其妻隅坐以衣覆之居二日假以一舟一  
劔一豎子夜渡五通入安平依鴻達厥明茂則  
蓆藁請罪軍門成功赦而封之如琅職久之琅  
歸本朝授水師提督駐海澱五月成功寇南溪  
敗漳鎮王邦俊十一月與提督揚名高戰于小

營嶺名高大敗十二月寇漳浦守將楊世德陳  
 堯策降九年正月寇海澄潮驟漲達城垣城守  
 郝文興降授左都督二月寇長泰我副將王進  
 與中提督甘輝遇于北溪進大名入號老虎輝  
 海澄人足擊此兩人俱雄健聞于軍久念一決  
 雌雄迺奮搥傳矢以兩馬相當輝堪進則隱之  
 進穀輝亦落之自已向午橫縱跌宕觀者竦歸  
 以為神亭之師既而兩家兵至于是迺解進入  
 長泰輝日夜攻弗克我總督陳錦援至戰于江

東橋北錦潰奔泉州復攻長泰城陷進獨與數  
 十騎從城西門出走郡城漳屬邑俱下五月我  
 金衢總兵馬逢知來援戰少利突入郡城成功  
 圍弗下防鎮門山以水之堤壞不浸城中食盡  
 人相食枕藉死者七十餘萬人聞之故老言城中人既無所得  
 食又遭派梁索餉之慘夜敲瘦骨如聽瓦聲茅  
 宅萬戶門巷洞開落落如遊墟墓饑鼠饑鳥白  
 晝蹲踞几上圍解百姓存者屢一二百人此  
 二百人其所死者非父兄則其子弟指溝中白  
 骨歷歷數其生前姓名告人然氣息屢相屬言  
 雖悲不能下一波久言九月間有人士素慷慨  
 率妻子閉戶一慟而絕隣舍兒竊煮噉之見腸  
 中累累皆故紙字畫隱然可辨隣舍兒亦發箸



自絕先輩周亮工嘗為清漳城上詩七月陳錦  
 以紀其事酸楚悽痛亦誰忍讀之  
 軍于鳳山尾其奴庫成棟刺歸成功成功嘆曰  
 僕隸之人而皆成其主是天下無刑也賞其功  
 而終殺之十月金固山援至圍解此時成功久  
 頓堅城師老糧匱戰于古縣成功令右衝鋒鎮  
 柯朋接戰而敗禮武鎮陳鳳援之亦敗右武衛  
 周全斌援之又敗成功退不內其蓋是以大崩  
 收兵保海徵入島是時永曆在安隆所封李定  
 國為西寧王蹶我定南王孔有德于桂林敬謹

王尼堪于衡州十年五月金固山攻海徵城壞  
 百餘丈成功親立雉堞堵禦左右死者層積與  
 諸將飲敵樓指揮自若益治軍既矢礮雨下成  
 功乃大呼曰天尚贊我無落吾事須臾下息礮  
 碎其座忽一昔空砲逆發成功咋謂諸將曰是  
 將臨城矣勒兵持斧以待巡曰敵至方砍官軍  
 渡濠入其郭大呼登城有廝養卒者舉巨斧砍  
 眾從之讓登者填壕固山宵遁廝養卒迺拜都  
 督而徵守益堅當是時瀕海驛騷饑餽不給以

黃愷為餉鎮嵒科派愷少有才陰賊招權顧金  
錢民無聊生成功收殺之鄭氏兵興以來軍律  
頗肅無所淫畧軍行孺子婦人至與爭道獨燔  
橋墮邑酷索富民云九月為尚久畔故官軍攻  
潮州尚久因文興走島乞援以陳六御救之尚  
久不敢納潮破成功收鷗汀貝土賊而還其明  
年本朝鄭賈二員招撫賜成功海澂公爵芝龍  
同安侯鴻逵奉化伯芝豹左都督成功不從芝  
豹全嫡母顏入京時方議撫成功乘機登岸措

餉縱橫福興泉漳等郡十月復遣葉阿二滿員  
議撫成功不從葉阿怒歸報天子遂寘同安侯  
于高俎成芝豹于寧固塔成功不顧十二月寇  
漳州漳鎮標劉國軒開門納之守將朴世用魏  
標知府房星燦知縣周瓊李奇生范進等降十  
邑俱下乘勝略泉州屬邑泉帥韓尚亮城守不  
下時水陸兵勢燦至風起浸尋衍溢坐論海王  
廼分所部為七十二鎮立儲賢館儲材館察言  
司賓客司設印司軍器諸司令六官分理庶事

以壬午舉人潘賡昌為吏戶官丙戌舉人陳寶  
鑰為禮官世職張光啟為兵官浙人程應璠為  
刑官丙戌舉人馮澄世為工官改中左所為思  
明州以鄧會知州事奉監國魯王盧溪王寧靖  
王居金門凡諸宗室頗給贍之禮待避陸薦紳  
王忠孝盧若騰沈佺期辜朝薦徐孚遠紀許國  
等此數人鄭之名客也軍國大事時以諮之凡  
所便宜封拜輒朝服北向稽首望永曆帝座疏  
而焚之以煽誘愚民鼓動天下十二年正月以

林勝等寇仙遊五月忠振伯洪旭北鎮陳六御  
寇舟山守將巴臣興降以六御守後為官軍所  
襲死之旭招降我台州鎮馬信寧波鎮張宏德  
六月墮安平鎮漳州及惠南安同安三邑十  
一月我定遠大將軍庶子王入閩成功回島十  
三年春正月庶子王略沿海三月官軍自泉州  
出攻兩島為暴風飄壞分兵攻白沙弗克而還  
夏五月斬蘇茂茂帥前衝鎮黃梧寇揭陽不克  
而還惡其失律又縱施琅也六月成功留食重

海澂以梧守東南門茂部將蘇明守北門角宿  
 鎮康澂守西門其餘金武木武士武等鎮錯綜  
 于外六月成功將北略尅日解纜梧陰歸命謀  
 定謁蘇明飲東門樓比置言蘇茂事明嘆焉梧  
 曰本藩養將士如分替肥則啗之明復嘆又曰  
 我等飄泊海外未有所定天之眷清恨恨無已  
 吾歸清必矣明以為戲起而免胄髮已鬢矣左  
 右悉露刃明愕然亦懼茂罪之及也頃之曰兄  
 能為之弟何不爾若依海若歸清朝亦唯命迺

挾以俱行諸皆潰去朝命梧為海澂公駐漳州  
 明為多李幾昂邦內大臣發鄭氏墳誅求親黨  
 殺五商漳罷民得以息肩梧之力也十月庶子  
 王班師當澄之雨降也甘輝聞亂進攻不勝入  
 土城取糧積以歸遂奉成功破閩安鎮逼福州  
 時庶子王重兵在漳王進得罪繫獄令出修備  
 攻之不克轉略温台等郡十四年春三月永曆

在雲南鴻達卒于浯洲

初鴻達中崇禎庚午武舉為津撫鄭宗周部將

轉隸都督孫應龍麾下登萊之役應龍敗績逮繫天津事白復與同撫張廷拱共事未幾以

龍平紅奇功移蔭錦衣衛千戶中庚辰武進士  
 故事勳衛射策甲科加三級進都指揮使癸未  
 授副總兵弘光即位擢守采石掛鎮海將軍印  
 擊高傑張天祿功封隆武立從成功入海云  
 成功回島尋遣將城福州峽江牛心塔以陳斌  
 林銘杜輝等守之官軍來攻銘輝棄回斌無援  
 投誠至福州飲以酒而夜殲之凡五百餘人甘  
 輝周全斌等攻寧德滿帥阿克襄體貌胖壯常  
 冠軍率兵逆戰甘輝親刺之隊馬弗殊手擊殺  
 數十人莫敢逼視輝揮戈攝其首焉重鈞有奇  
 十五年永曆遣漳平伯周金湯航海晉成功延

平郡王甘輝崇明伯萬禮建安伯黃廷永安伯  
 郝文興慶都伯王秀山祥符伯張煌言兵部左

侍郎餘各拜爵有差是秋徐宗遠隨金湯入澳

臣禮不屈而還字遠華亭人幾社六子之一也迺議大舉入寇金陵秋

七月以黃廷為前提督洪旭為兵官鄭泰為戶  
 官留守部署諸將挑力士身披鍬畫以朱碧彪  
 文留其兩目執斬馬大刀陳于行首而命之曰  
 但聳立視馬足而砍之號曰鍊人望者以為神  
 兵左虎衛陳魁統之甲士十七萬習流五萬習

馬五千鍊人六千號八十萬戈船八千揚颿北上至浙江攻陷樂清等州縣次羊山爲暴風飄沒八千餘人幼子從軍溺焉泊滄洲理檝十六年夏五月永曆在永昌成功至崇明諸將請先取崇明爲老營不聽六月癸酉移吳江港口癸未至永勝州庚寅至江陰七月癸卯至焦山謂諸將曰瓜鎮爲金陵門戶須先破之授諸將機宜令程應璠督右提督馬信前鋒鎮統領余新等進奪譚家洲砲又遣材官張亮督善沒水者

盪舟斬斷滾江龍張煌言會水師提督羅滙章各督所部俟斷滾江龍即進踞瓜洲上流焚奪滿洲木城大船繇南港小船繇北港甲辰自督親軍及中提督甘輝左提督翁天祐先鋒鎮楊祖建大將旗鼓直擣瓜洲我操江朱衣祚城守左雲龍率滿漢騎兵一萬會戰背港而軍礮石交擊戰未合張亮已斷滾江龍鄭師揚颿兩岸對擊成功麾軍大進右武衛統領周全斌率兵帶甲浮水登岸直破其陣身中五矢氣踊銳斬

雲龍于橋下衣祚奔城正兵鎮韓英奪門而入  
登城樹幟全斌登江介之山以望韓氏麾軍疾  
進陷西北隅以入搜殺我兵皆盡獲衣祚佚之  
其守譚家洲及滿洲木城一時愧潰死者不可  
勝數後提督萬禮繞出瓜洲之後潰其餘卒以  
援勦左鎮劉猷守瓜洲監紀推官柯平為江防  
兵部侍郎張煌言督理戎政楊朝棟兵部主事袁  
起震督阮美及溫章等進取蕪湖戊申亂楊子趣  
鎮江我提督管効忠率滇南換班披甲數萬分道

馳之不動夜扎銀山與官軍夾壁辛亥官軍留步  
兵守銀山騎兵移當大路成功以銀山迫府治為  
必爭之地是夜引兵棄而踞之列陣以待遲明官  
軍復分五道三疊萃鄭壘不動駐騎射如雨成功  
令發火砲多鼓鈞聲廊瓦皆動我兵皆下馬殊死  
戰薄午鄭人益奮官軍大北噫血填濠効忠僅而  
得免戰之明日鎮江守將高謙及知府戴可進等  
詣成功降癸丑登京峴之山大饗士卒令全斌及  
援勦後鎮黃昭等守鎮江澄世署道事乙卯屬邑

皆下以張煌言楊朝棟招撫江南煌言字南縣舉人從魯王入島與盧若騰紀許國徐辛遠諸人交善或曰己亥之役從安慶山中勒兵會于江兵敗出赴官軍曰我張侍郎煌言也死當于明處遂遇害葬于西湖南屏山大類金陵陳和尚云或曰不知所終余考成仁錄云成功既潰慈溪秀才魏耕上書煌言備陳金陵虛實請以舟師再舉然則成功既退煌言尚徘徊江上又讀呂晚村行略云甲辰歲有故人死晚村為位以哭壞墻裂竹擬于西臺之勸已而葬于西湖南屏山石壁下心煌言矢然而何以甲辰耶漳浦陳令君汝或鄞人其出處存沒必能道之行當采獲以示來茲無使其無傳焉袁起震徐長

春招撫江北于是當州徽州池州太平滁和六合等州郡輕黠子弟多欲附者蕪湖縣官守兵

皆遁甘輝進曰瓜鎮為南北咽喉但坐鎮此斷瓜洲則山東之師不下據北固則兩浙之路不通南都不勞而定矣不聽癸亥率師登舟進取金陵偽檄四方成功偽檄有六月興師敢云趨八百餘字利十年養銳正欲待時之句凡皆築犬也八月丙寅舟至觀音門以黃安總督水師守三义河口戊辰由儀鳳門登岸軍於獅子山招諸將登閱江樓望建業王氣令諸舟一字列碇于江東門外自上新河及蘆洲北岸親率十餘騎躬歷城下度營壘辛卯移營分屯漢



西門觀音山第二大橋頭諸山成功與五親軍  
屯岳廟山留前鋒鎮中衝鎮屯獅子山甘輝進  
曰以臣觀之則尚速也夫兵貴先聲彼眾我寡  
及其燿且未定其勢宜拔若彼集禦固緩難圖  
也君必悔之不聽退而告人曰吾不復此矣乙  
亥官軍千騎薄前鋒營新擊敗之遂輕敵無備  
縱軍捕魚成功聞之令張英馳讓新猶如故有  
軍士負搏錢數萬亡走我師具言前鋒軍日稅  
甲沐浴觀優擊之必潰且請爲道辛巳我副將

梁化鳳由鳳儀門穴城中餘道東馬櫟陣復薄  
新營化鳳關中人才勇善戰有名東南新不及  
甲倉皇出拒尋皆遊江而走副將董延中蕭拱  
柱死焉蕭拱辰逸新就禽成功聞鳳儀門砲聲  
遣翁天祐馳援已無及矣官軍既破前鋒營盡  
出騎兵列于城下壬午以步卒數千繇觀音門  
擣中堅成功率親軍右虎衛陳鵬右衝鋒萬祿  
擊敗之官軍數萬從山後出其背薄左先鋒營  
祖督兵轉戰三合三却後勁鎮楊正接勦右鎮

姚國泰敗走前衝鋒鎮藍衍行軍司馬張英死  
于堪巖之下官軍從山上乘其項左武衛林勝  
及陳魁力戰于山下敗魁領鍊人鎧重不可砍  
乃輿以去或斧以斯之後提督萬禮力戰于大  
橋頭亦覆禮勝魁及副將魏標朴世用洪復督  
理戶官潘賡鍾儀衛等皆陣歿惟左右提督右  
虎衛右衝鋒接勦後鎮軍獨全成功麾軍忽退  
爭舟而渡獨甘輝且戰且走至江騎能屬者三  
十餘人凡所擊殺數十百人馬躓被獲至城南

金水橋余新方屈膝輝怒踢之戟手罵不屈死  
最烈癸未還鎮江丁亥成功議還島使馬信韓  
英督舟師堵守江口周全斌黃昭吳豪為後殿  
餘軍次第登舟而還壬辰至吳淞港九月丙申  
擊崇明不下正兵鎮大監督王起鳳傷砲死以  
陳輝阮美羅蘊章等守舟山劉猷與官軍戰于  
溫州敗績死之冬十月甲子成功還島祠忠臣  
廟以甘輝為第一入臨極哀曰吾早從甘輝之  
言不及此世祖既定江南乃命將軍達素總督



李率泰大蒐兩島十七年五月部分滿漢官軍大  
船出漳州小船出同安檄廣東投誠許隆蘇利等  
會島上成功以陳鵬督諸部守高崎遏同安鄭泰  
出浯洲遏廣東自勒諸部扼海門海門在海澂港  
口甲子平明漳船風利迫海門成功令五府陳堯  
筴傳令諸將碇海中流按軍不動揚徽而鼓令  
未畢呼吸之間漳船迨至諸倉卒受命莫敢先發  
閩安侯周瑞爲我兵所乘與堯筴死焉陳輝舉火  
滿兵高躍舟乃得出向午東風盛猛既得上流我

功自手旗起師引巨艦橫擊之泰自浯回縱風吼  
濤立一海皆動北人不諳水遂退眩暈不能軍僵  
屍布海有滿兵二百餘人棄船登圭嶼莫敢觸者  
成功誘降誓不殺宵溺之是日同安船趣高崎陳  
鵬約降飭所部勿動官軍恃應船未近涉水爭先  
其部陳蟒不與謀曰此急矣當決一死麾其屬與  
殿兵鎮陳璋合擊之我兵披鎧退陷于淖死者十  
七八首領哈喇土星止焉殺滿兵一千六百餘人  
迺收殺陳鵬以蟒代之蘇利等後二日至知諸路

告劬望太武山而還素自殺于福州竟成功之  
世無覆島者十八年永曆在緬甸成功議取臺  
灣臺灣為土番部族在南紀之曲當雲漢下流  
臺之星野莫錄其詳然既係于閩則宜從閩  
蓋禹貢揚州之域天文牛女分野按牛女于辰  
為丑銀海之屬星紀之次銀野玄武象也星紀  
吳越分也劉向曰吳越屬斗牛女分晉隋元志  
吳越其辰在丑說者謂臺有泉州之窮南去福  
州遠甚不宜為銀海之屬又在漳州之極東去  
吳越遠甚不宜為星紀之次遂以臺分野當在  
女虛之交者虛玄枵之次在子之辰以臺之稍  
迤而東疑其越次越辰亦坐井之見今以近事  
考之明時澎島統於泉泉為牛女則臺可無疑  
以近地考之臺海西界于漳南隣於粵北則閩  
安對峙漳分野視閩而粵分野視漳臺之壤接

獨不屬牛女乎唐僧一行有云星紀當雲漢下  
流百川歸焉故其分野自河南下窮南紀之曲  
東南負海為星紀則臺宅東南東倚層巒西迫  
仍屬牛女又與一行之說相符東倚層巒西迫  
巨浸北之鷄籠城與福州對峙南則河沙磯小  
琉球近焉周嶽三千餘里孤嶼環瀛相錯如繡  
物產之利畊耘並耦果隋羸蛤硫磺水籐糖蔗  
鹿皮一切日用之需無所不有土番魁結百萬  
為群裸體束腰射飛逐走疾于奔馬固東南之  
一大聚落也自鷺門金門迤邐東南以達於澎  
湖可數千里風濤噴薄悍怒鬪激瞬息萬狀予

莫放以傳



午稍錯北則墜于南風氣南則入于萬水朝東  
 皆有不返之憂又東至臺之鹿耳門鹿耳門之  
 旁夾以七鯤身北線尾海道紆折僅容數武冰  
 淺沙膠雖長年三老不能保舟之不散餘迺山  
 羅礁擁無所由以入其險且不測如此臺自破  
 版圖前明宣德太監王三保舟下西洋因風過  
 此嘉靖末年海寇林道乾亂遁入臺都督俞大  
 猷追之知水道紆曲時哨鹿耳門外以歸道乾  
 既逸顏思齊勾倭屯聚芝龍附之未久而去荷  
 蘭人遭風飄此借地于倭不可給之曰願得地  
 如牛皮多金不惜許之乃剪皮為絲圈城里許  
 盤踞臺地兵不滿千  
 南北土酋咸砥屬焉

卷上終

